

存
悔
齋
集

存悔齋集卷十八

萍鄉劉鳳誥金門

詩 庚申至己巳

題盤陀翁梅石觀生圖

目機運空際觀妙無重闕形神主客閒幻此先天胚自謂忘歲
年大冶融戲媧九九數具足懸精枕參魁至今潼山陽丹鳳翔
其臺鬱儀同鼉旭月苙透晶皚頂貫崑玉英乳霏峯泉澗煙霞
互摩洗混合迴風迴超劫世莫知結根窮揣猜疑然太始質得
一通三才特生挺堅秀萬象頑陰開九谷矗淵底六山平窪堆
俯視洞物表博大真人哉髓香適所餐砂輕常入懷學道亦細
事恬守三庭佳不見天花飛彈指明去來玉京一以返索笑孤

誰陪六十閱七十未老那變衰寂坐鑒默語內景還嬰孩靜者
動之極復命循初夢聃仙迦釋徒奚爲恣歡怡霖雨致有自草
木何非材生生契真宰一力元化培仰止斯石存靈光高崱嵬
成功奠海嶽度世娛蓬萊

和朱石君丈喜雨歌

司徒臣某賡舉歌是月閏夏天清和

皇帝曰嘻志閔雨禱于

右社苴茅沙拜俯弗起顙顙悃五日迅發膏流波歡呀失喜動
左右洗豁陰曠重雲那先時有

詔赦天下滌垢剗磔開牢羅纍人戍子付省釋明允寬汝刑官
科交南羈孤速出獄哀情慰以仁聲多於虜

天聽不虛應匪土卜殺風知駝秦蜀之交大軍捷南定商維西
渝沱盍歸吾農復耕耒麥色手刈花團瑳金泉大府覈有數四
海糴富留摩挲欽哉司徒愼獻可論政得失排諛阿一雨再雨
頌快謝贊

帝受福承鼎犧

再和石君丈喜雨歌

盛樂申命工肄歌

增樂一部三壇竹宮肅

駕齋雍和

宿雍和宮

上齋兼旬佇霖食減膳

大禮配地衣襲沙月日剛午會北至陰陽激鍊蒸晶波層雲磐
磐勢歎薄中有龍攫鱗紛那一滴一尺一晝夜漿瓢倒瀉霄鬱
羅天之仁氣貺

君澤奚假繁露求巫科禾麻稌梁秬菽麥四埜黃萎回春多城
南市人笑嚇嚇米菜損價瓜捆駝七十二沽漲新水大編漕貨
齎津沲連朝奏賀徧畿輔天門洞啟光璀璨急憑此雨洗民慝
甘泉捷馳插羽娑人情喜生志易愜公乃後樂辭非阿請除三
疏召十客爲公起舞斟犀犧

吳壘繡方伯席上同用杜韻餞別方葆巖遷藩大梁先赴
防河

東郡仰給粟中州嚴防河兩藩互踐更旬日

恩蕃多方攝東藩與吳代述征語激蕩大凱南陽歌短衣送秋色柳老

桐翻波

新除壯舊氣眷此蒼生何康濟妙一轍千里齊梁過

雪夜同人招集湖上和曇繡方伯韻

滿湖冰雪不容船
瘦馬凌兢踏凍天
宦況與僧同此寂
天陰如夢轉難眠
忽逢風定夜輪囷已報春
生臘鼓齎相約文條敦好會
那防轄省有人傳

清才此老獨槃槃
我欲從之乞大丹
知味休欺魯酒薄
許身纔脫瘴煙漫
海邦思想公歸我
天下慈悲宰現官
繞戶吟聲誰省識
萬家都託一衾寒

惠瑤圃制府遷督陝甘

詔先入覲賦詩志別

宣召樞星近

御蹕西行秦雍授旌旃
功名何止收餘賊
保障仍資馭極邊
周

雅三冬勞雨雪漢圖諸夏劃山川休嗟鬢髮蕭疏甚報

國丹心老更堅

弟兄建節各崔巍楚塞天高有雁飛家事不聞真闊達民情可見漫歔歔漢羌子女春回瘠關隴門庭遠立威便與令公爲壽好太平牛酒劇甘肥

蔣伯生於吳方伯署中及其公子編銷寒倡和詩用尖義韻屬賦卽請續之

雪散輕颺日薄檐寒雲籠住泰蒙尖山東霸氣談雄鄙海畔天時驗雜占齊士縱迂容屢滿周妻那忍勸齋嚴敲門索句何人者爛漫先看玉照籤

短髮儒巾坐絳紗飛騰四十怪修蛇俸餘自葺茆爲屋酒到不

知梅有花三月官身懶簪笏一軍詩壘壯矛義藩條盛說西園
會愁絕知音訪伯牙

曇繡方伯陪大府謁城歸見鄙作有和再疊前韻

稀從省閤叩鈴檐忙殺金堆與穀尖誰識登城多遠意早聞祝
雪慰農占九河故道平沙闊十郡提封列嶂嚴勾當一方公事
了新篇往復迅郵籤

六十驚看面皺紗八千瘴脫嶺蟠蛇江山翰墨塵情老珠玉兒
郎笑眼花世味拌中齋斷寸土風銼上麤開义承平報塞心長
處知有蒼生望蠶牙

題沈舫西太守國門秋餞圖

拜詔殿中出雙旌不可留朝天名御史列土古諸侯建白封章

在飛黃仕路道先齊國至

恩重泰山酬是日天晴放同人近郭游大無空秫麥小聚只鳧
鷗上下水檣駛西南金革收兵農經世務郡邑保民憂去去日
行疾蕭蕭風送秋蒼茫趙北際縹緲岱東頭歲報謹田熟祠瞻
漢時幽自今停禪草徧爾起興謳富貴二千石神仙八詠樓到
官裝畫卷飲餞憶朋儔我贊絃歌化君持冰玉修開春申預約
手攬嶽雲浮

次和太庵中丞登城望千佛山詩原韻

看山不登山山翠窺城淺古帝舜耕處萬世祠袞冕大國凜節
度控此封域衍朔風巡層巖騶吹官府遣三日麥隴雪鴉啄牛
弗喘士柔習鄒魯民剽馴鄆兗恒河渤海長化度魏法顯西土

證東土

先生鏤後
藏有年

佛腳萬里轉

雪後蔣伯生諸君子邀往湖上看月

一湖凍玻璃月奪雪色白照天八百里嶽氣混溟澤蛟龍蟄冬
窮那敢吞素壁衆陰呀然開冰骨幾欲坼森森古東州萬物謝
雕畫木葉風以盡荒岸送蕭槭我來始秋薜荷葦刪所積顛倒
南山影屈注濟水脈謂是矜乍見莫便窮婉孌茲焉卜三年臨
湖住官宅半匳青銅鏡早晚鑑几席紅情佇花谿綠意及柳陌
美景宜可常歲寒倍相惜近旬雪彌天呼月來咫尺空明互激
射清濯肝與膈翻笑湖主人拉爲看湖客君子有酒漿並坐樂
今夕齊菰嫩甲煎汶魚細鱗擘栢行勿遽巡一舉轟繁百三更
殷鐘鼓衣袂冷侵迫策我羸馬歸迴首湖不隔佳境託邂逅古

懷話疇昔明晨約登樓看此雪中迹

龔曇繡兄自東昌至臨清來問

十日開緘意轉親東方雪到各懷人地多霸氣常存古官比僧
閒不惹塵一郡放糧催兩郡小春宜麥卜來春問君魯酒驅寒
否緩馬迴歸莫待旬

封篆日感昔有作

一雨成冬憶駐邊使星輪指又今年土官子弟荒陬化天下文
章望國先欲效苦吟當雪案可堪強仕已華顛朝來鑲印閒無
事且證維摩丈室禪

吳曇繡方伯以輟贈雙盆梅詩見報卽和

小檻初搖日珠胎未裹冰乞將丹火熟雙玉挾飛昇

馬壯新游我民早已含春氣時宜誰能占上流說與青衿門下
士書生報

國重經猷

喜雨歌

六月三日天雨金大東之國呼甘霖下尺上尺管子訓仁術何
以周蒼黔前秋魏博鬪螳潰去夏兗鄆凶慙淫溜青渤海亘千
里遺蝗入地貽赍祲小民怨咨儻三紀臣不省咎天難謹我
皇有命慎封守保釐擇畀東郊任方伯連帥各易位一方五色
卿雲臨十郡百邑小大吏具瞻赫赫心欽欽春田蟲生速退避
九十九子銷灰燼誰云人事不可恃與民除害回天心二麥登
場薄乎爾憂旱忍使秋隴侵家家牽牛曝烈日疾雷悶匿乖龍

暗廣川繁露了無法九閭叩禱空孤忱豈知天公妙蓄泄視爾
撫恤通感歆開倉有藉長孺慈放囚莫晒臯陶瘖刑平政和布
潤澤四氣畢達山淵沈昨宵登樓望西北泰嶽頂覆元雲霧凌
晨雨師縱狂驟天瓢倒瀉傾浪淋午雞初鳴響未絕滴雨直入
人心深城南米價減什伯村舍餅餌爭春碁黍稷重穆禾麻菽
果蔬下及梨棗林如人久渴得漿飲暑風一洗涼生襟大家快
活喫飽飯豐年難得今斯今鰕生無功竊廩祿問民疾苦紆呻
吟開門湖光白晶晶大點撒豆喧清潯歌長歌兮誌喜雨戒滿
更願陳官箴

和曇繡方伯喜雨二章元韻

年時飄灑夢江村今見跳珠瑟瑟盆木末樓橫雲倒壓湖心電

劃水轟喧繞城風物禁他好裹飯田家識此恩明日紅輪騰海
角洗將嶽翠萬峯尊

嵎萊東盡涉沂西麥毯鋪青襯柳黃吏重民生諳疾苦春憑天
意透端倪采風路指輶軒近聽雨宵憑戶牖低卻語粲粲大邦
伯我將絃誦佐鋤犁

次太葦中丞示守令詩韻

東方好禾稼雨足苗怒逞蝗來詎佳事默賀天肆皆有田潤於
海跨越齊國迴區區望歲心何爲集憂耿去夏三輔災河決墳
壤併冬溫少嚴雪沴伏水草梗傳聞起瀛鄣孕孽恣飛騁淹忽
西南來齧嚼終未肯利吻受箝束醜心匿鋒穎竊求草間活奮
欲揮鼓挺假爾田祖神一火落阡井築土滅禍種老弱收淚綆

性豈厭穀食法不貸刑鼎借爲吏道防鑿戒及貪猛五行志物
害有故螽雨境彼蟲胡忍飢天意微可省公詩溥仁言憲使交
察警我書秋大熟祥廳扇嶽嶺

冬初望湖上

半面林湖瞰我扉荷枯柳禿送秋歸年成大好螺蚌富月色微
明雁鷺稀十丈樓高鐘不打一條城近帶如圍商量破卻清齋
可粗喜新寒壯酒威

病中自嘲

歲晏容疏放休衙又閉門不防喉舌患徒恃肺肝存因病聞何
礙長貧道亦尊自醫占勿藥笑其老妻論

汎舟大明湖

湖風吹門前春淺冰力怯輕澌破凍下溜影通短牖拏舟過紅
亭促坐三兩恰水細不容篙生生起鱗甲照碧牽亂藻嬉寒闌
羣鴨隔岸新柳芽黃意嫩可指曷不植桃李左右相與夾芟刈
枯葦根毋使漁子狎全身露湖面皎然鏡啟匣南山亦靚好畫
屏供倒插清曠怡我心俛仰無偏狹

題蔣伯生蘿莊圖

大匏五石貯勺水怪君官沈百僚底君獨何爲樂乎此有母有
弟居汶陽敝君七十二槐堂君獨何爲思故鄉百丈春蘿綠圍
屋爛醉題詩看未足右丞別業圖成幅吁嗟乎人生輟跡慎所
寄先人敝廬不可棄買山歸田兩非易

寄懷芸楣師聞病中尙注歐史頃適購得竹垞手稟將以

奉寄

久疾不得侍披帷夢屢迴排鱗對歐薛峙鼎壯劉昭裴松各有千秋業終歸一代才歡呼起朱十彭史較心裁

和鐵中丞師三首

頓有堯年患真爲禹道行天教河復故人向水回生迴野滔滔勢中宵耿耿情乘槎文學使草牘畧敷誠

昨渡張秋口長虹落大泓驚心顏岸改刺眼漲沙生五汶醺南下雙漳禦北橫迢迢三百里愁絕轉輸氓

累月頭髭白師今濟世儒殷憂焚樾亟預想麥田蘇勞苦關天命荒涼按地圖寄言羣長吏較箸聽嗟吁

韻唐花有示

蠟封水養掇相將官冷如僧愧對當草木何曾知富貴神仙原
自愛芬芳便教隔歲支春色猶恐寒窗誤景光爲祝東風先醉
酒明年衣袖染天香

題元恩春郊試馬圖

少賤住山村春泥上足禪也曾飛馬去爭聽

御街喧見爾衣冠似能無詩禮敦不成終叱犢歸種舊田園

題鐵師榆關望海圖

朝京玉節瀋陽還車騎秋風木葉間豪絕吾師老夫婦攜兒看
海上榆關

雪色高浮碣石東危樓遠瞰夕陽紅分明海畔居人說親見神
仙駐半空

宦蹟游蹤到處宜只將

恩遇寫淋漓還家喜上旗屯冢壓卷喧傳命婦詩

題卷如亭師母詩最勝

方蓬壯觀畫中留開府新遷迂八駟一語更徵奇中事青煙九

點望齊州

原題屢用齊煙九點句

爲周次立明府題戴母課詩圖

各憶幼時事呀呀望後來兒頑休好弄夫病不爲災老屋金枝
統中宵白月皚憐孃把針綫淚眼對鐙開

徧讀詩三百不詩無以言閔子集于蓼焉得樹之諼北郭尸饔
母東州維誦孫披圖風教在耐可夢鄉園

鐵師母畫蘭付

元恩

敬題

雨中花朵風中葉移向庭階玉幾盆畫與兒郎曉生趣未看花

寧海行館次阮芸臺同年題句時再撫浙中將至

戊辰三月七日

雨絲收盡月歸來淺水方池皺碧苔春過清明十分足翦鐙初看牡丹開

文旆戎旌兩度開紗籠分到使君回懷人恰好天台路又喜劉來待阮來

陳生行

臨海生員陳馨

陳生陳生爾曷不我鷹讀書養生氣胡爾苦學戕其精烏飛啞啞翔我屋我思陳生哀不足

一解

去年選士台海輝一珠謂爾

木難火齊無爾踰升之明堂縑采須珠沈海黯晞噓乎

二解一

篋蟲書一囊藥嗟我聞之慘不樂亡之命矣歸與惡

三解

有女

婉孌家其家臨凶反吉從孃爺君身霜後葉兒命雨中花短哭

兒夫淚如麻

四解

瞻望兒夫兒夫魂魄孤縞衣勞面終身俱忽

漏言之多虞誓相依于泉壚

五解

三月三日兒就死死請同埋

好女子誰曰嫁殤古非禮

六解

台之澣梅之浦竹樹蕭蕭對泣

苦書生性命絕可憐生死鴛鴦一抔土

七解

陳生陳生今爾不

我聞我不能慰爾及第招孤魂上奏褒爾婦爾也附以登青雲

嗚呼海枯石爛視此語是爲陳張兩好子女之雙墳

八解

己巳四月二十三日自台郡至寧海再宿舊館疊前韻

擁蓋今番一再來桐巖疊磴滑于苔小園收束雨聲急惟放石

榴花亂開

此邦南渡驛程開誰爲看山恣往回留與他年作游記台星歷

歷客星來

石門觀瀑

一團削鐵劃然開兩門一欄瀉玉林薄迴風喧一束白雨按作
雙垂雲龍公幻戲呼嘯雲中君驅行氣母下上而氤氲朝穿紅
陽捉使烏浴盆夕擣大素忍令姮娥奔上承石壁淘洗無苔痕
下落明鏡半朶蓮跣存旁俯凹洞奚啻留窪尊溼灑衣袂寒沁
毛髮根六月不暑三月知其溫移時目眩猶覺心可捫犁眉老
翁坐笑翻忘言山僧拉我煎茗消黃昏別此那肯挂席川涂分
行將龍湫石梁偕品論

溫溪泛舟至永嘉

春雨甌江湖倒生永嘉山色曉相迎牛毛短樹連岡出翠毯新
秧截隴平東晉旂旄開海國南閩樓櫓瞰煙城便教滅盡孫盧

種那用戈船十丈橫

時捕蔡逆甚急

存悔齋集卷十八終

存悔齋集卷十九

萍鄉劉鳳誥金門

詩 庚午至丁丑

石琢堂同年自杭寄詩見慰次韻奉會

恩虛造物鑄非才
鹵莽餘生入戍臺
物論幾曾誼馬首
邊風一任響弓胎
書傳大漠榆關近
律驗陽春黍谷回
爲語湖壖諸弟子
道場解厄莫輕開

孤負心長話向誰
懷人寥落歎棲遲
青山路杳休官好
白草風嚴出塞奇
少忍待天消宿業
長貧安命泯虛詞
那知一角辰韓外
夢到梅花越水湄

聞鐵樵翁師起葉爾羌領隊大臣旋授翰林學士長歌志

喜卽寄奉懷

山斗韓吏部神仙李翰林十春佐王禮默契

先帝心

今皇親政隆簡在一出留都轉淮海一東霖雨敷三江封疆元氣爲之宰

朝廷進退衡無私大臣去位夫何辭朗鑒迴瞻

天在上清風留照水之湄昨秋被

命陽關去塞雲隔斷臨洮樹短書猶問北臺獄

上年八月公自清江浦啟行有

書垂問長劒先趨大都護師戍瓜沙弟黑河一年人事俱坎坷從

公同年老方伯

邱芷房先生

苦寒對述前

恩多瞥眼涼颼夜如洗飛墮銀蟾二萬里朝中有報馬上馳云

是

綸麻爲公起起公金城領蕃將署公冰衙作內相假公草檄喻
回紇待公掌制隨

禁仗三上鑾坡事非偶春夢無勞問醒否河間相公舉故事西

涼也醉封侯酒

翰林中前輩惟紀文達曾成烏魯木齊

舊巢學語意不忘仙竈還

丹兩侍郎

時浙撫阮芸臺官侍講會督李小松用五品翰林皆已西榜門人蹟而復起者

預想迎公歸

院騎玉堂題作聚星堂

方葆巖制府自閩海寄書二十六日而至答懷二律

車轡九載闊秦齊驛舫禾州重解攜

己巳秋北行於秀水舟次相值

自省身宮

磨竭定誰憐樂府夜烏啼遠書萬里踰臺嶠先澤多年訪卜奎

齊齊哈爾人家尙有收藏先公

手蹟及能舉卜奎雜詠詩句者說與蕃人知愛敬名家忠孝古

難躋

九牧三公事業新政成百越聽揚仁才資

天用高難及清畏人知久更真熟路祥風左螺甲豐年恬浪七
鯢身近聞拜賜

君羹沃秋覲歸榮愛日春

聞已乞養
歸金陵

莫韻亭前輩寄示驛柳詩次元韻奉酬其意

青門烟樹望迢迢舊事河梁淚黯消過眼未忘雙隻堠綰愁誰
問短長條綠迎飛騎絲連韉黃點輕衫葉亂飄多謝吟髯苦相
憶一天風雪九關遙

出塞都無傳舍情萬行榆翠匝長城直沿大漠開行障斜拂穹
廬隱角聲古戍明駝馳漢壘夕陽金雁射蕃營龍庭想像龍池

色敢道征人白髮生

夢裏分明喚栗留山程館接水程樓送人也復歆青蓋結客何
當繫紫騮十里塵迷沽酒旆一枝春借寄書郵蕭疎莫話靈和
格身在遼天欲盡頭

山隔燕支別有山紅塵漠漠絮飛間相逢陌路常如此憑仗春
風早放還芳草落花深繾綣青袍白馬待追攀西來恰其長安
笑盼得班超已入關

適得鐵參贊師

召還信

笳吹二章

有引

笳屬橫吹樂之一今惟俳舞用之古軍樂吹角吹威築
皆入笳部今塞上春秋操期鳴螺爲號蓋猶司馬法不
用絲竹使聞者壯勇之意春聲散秋特慘厲地氣應之

也爲譜二曲

雪中鴛鴦夜飛動層冰礪積年前凍
臂牀火熟燒春酣索倫子
弟閒無用練兵一月軍令下旗門曉
角聲吹送嗚呼春筍兮春
不哀東風綠上單于臺

右春筍曲

黃蒿迷茫孤日曛官田稌麥如堆雲
燕支花開露珠溼昨宵淚
盡琵琶聞邊人重少不重老生小豈
知名在軍嗚呼秋筍兮秋
不樂遼城月黑霜飛薄

右秋筍曲

秋日望邊四首

野甸蓬飛車馬班秋心迴入沈寥間
風雲有氣三邊壯山水無

人萬古閑指地莫尋金
齏朽穿天任放玉條還
征東楊李何曾到十道
羈縻自款關

長驅保塞息氛埃
誰決黃河天水開
平鹵將軍輕北伐
生辰信使誤南來
主妃白馬三京富
臣姪青衣五國哀
彈指百年燐火化
圖書輦盡劫餘灰

勝朝苴蕞付銷沈
恩澤何加櫛沐深
驕子徙藩樵舍走
羣王終局板機擒
官家底襲唐封建
陪隸兼收漢羽林
不信長城遺築在
太平耕牧孰如今

鎮帥連疆坐擁旂
烏龍水合淨江暉
東風受吏羅義國
秋草移營冒頓圍
笛外烟寒人有淚
帳前霜早馬生威
上林若也將書寄
爲報君王射雁歸

石子

采采嫩紅綠光晶石子鋪人今投靺鞨地古擅珣玕遺珮翠妃
冷碎磯丹母腴此邦無薏苡知更誤明珠

家人寄繡像觀音爲壽用坡公子由生日韻

心香縷縷天葩芬發緘遠襲旃檀熏與釋百難降魔羣針孔飛
簇華鬘雲間子淨梵通修焚穉女添線擘五紋衣珠綵繚宵際
分楊枝拂面吹氛氲滿輪相光寶月君青螺宛旋肉髻墳一性
成此千縷文白毫無垢無停蛟如來第十六相不受塵垢不停蚊蚋異方魑魅夫
何云五十罪過辭朝勛良人華髮嗟從軍征衫裏寄意獨勤清
水作供醍醐醺喝起墮落塵根耘與子偕隱函樞枌解脫敲珮
消繁紛六親一合同馨烈關禽引我迦陵聞

西研齋主政出所藏洪武鈔紙屬誌以詩

明初襲元制鈔法交子遺陌小貫則大一準園府宜方郭中有
范編埒同其規律今年月日幕背官印施七載限納換斂散嚴
常期是時議開創首贍軍國資並行不罷鑄取濟銅冶虧萬方
足筐筐四海無瘡痍天龍地馬用流水頒京師至今寶鈔庫塵
轍金陵達士子幾心血元武湖之湄撫此見盛象簡易民罔欺
片楮五百年爛若貫朽爲反覆審工墨世或罕覲之多君筦邊
藏日戒錢神私篋貯絕銅臭抱牘清自知好事檢故紙欲遡刀
貝龜道古焉可廢蠹蝕仍謹持

朵顏衛銅印歌

嘉慶五年布特哈獲明印一文曰朵顏衛左千戶所百

戶印背識洪武二十二年五月禮部造及顏字二號字樣考明洪武二十一年元宗室遼王阿里失禮率朶顏諸酋內附詔立三衛以居其明年鑄印給之事與史合今廢印得諸布特哈可以知此方地面也

白雁一羣飛向天遼王跽率降奴前三衛戕戕襲冠帶北人弗復輕窺邊當時謹奉高皇詔障塞無虛順貢道後來內徙非遠圖割土資夷背成約累代鑿輿議出征黃龍左纛壓番營英雄縱得稔侯用黠憚先驚突厥名君看引敵彎弓者半是關前呼賣馬軍吏雖噴那敢言駝酥醉臥陰山下三衛中誇一衛強兒孫貴種說花當九邊鎮將淪何在風草沙埃泣戰揚只今五百年來久天王有道四夷守上都歲熟蒙古田迺騎秋騰喜峯口

忽聞有物出土奇洪武年月爭識之黃金斗大咄一擲還與毛
衣打虎兒

黃豆瓣兒曲

布特哈市良馬每七八月聞黃豆瓣兒聲輒嘶鳴不食
圉人莫能制其去也絕勒而馳慕山越礪弗復循故道
跡者至雖強之歸無如何也黃豆瓣兒身黑色臆黃索
倫語達克登郭爾

豆瓣兒飛復飛朝食草子暮草棲飛飛高高復飛下王孫挾彈
不得射豆瓣兒樂莫樂人家燕雀工處幕汝獨倉皇止屋角紇
千山頭風雨惡豆瓣兒何處啼啼復啼時時可悲一聲兩聲烏
夜怨三聲四聲馬腸斷不願絡黃金鞵亦不願守苜蓿肥但願

主人視我鴟鵂啄瘡肉忍爲牧廝廢卒日夕相嘲詈吁嗟乎豆
辨兒

鹿尾四十韻

荒陬寡美嗜舉挾空饒饕餮芝得新餉供具呼僮庖禿速不滿
尺其用藏雕尻割鮮講饌法慎勿輕燔焦薄及析膚腠細火燂
氈毛冒湯旋汨瀉脫肉精取髓氣翕密鬱輻脂濡前羶臊注漿
活不走觸膩平無凹傾漚絕滲隙束臙存肥臙假茲疏布纂沃
以清泔蚤那容外損膜須審中團膏封若麝臍末解若羚羊梢
蒸若芋敲變瑩若潑蠟調若蠶脾釀蜜若虎魄結膠若炙膽熊
象若點酥駝羔炊計快已熟出釜防乾焦請設白玉盃更揮青
霜刀大片作寸切碎屑收丁拋略下粉椒檄疑帶香萃蒿至味

本澹泊甚恐辛酸淆時復厭小嚼劑和均濃澆擣珍佐羹臠配
糝資醢熬亦有寄遠道箸裹鹽飴包腴潤縱少遜滓汁非全消
但剛食指動寧闕豪家豪偶思百獸尾弗入膳品標威壯斑豹
羶煖襲豐狐翹清譚助揮塵貴服矜珥貂東邦盛諸產奚讓鹿
獨超排年大官貢笙瑟登麟肴或謂鹿血蓄滋液先天胞養茸
守夏蟄游牝乘秋高價脈祕內寶不死銜仙茅失警蹈後坐誤
中山虞弭剖服益營衛待補醫經抄笑予飲黃麋不如景宗曹
一脰按典實百罰開春醪茲焉逐飛騎乃越東丹遼冰鯉澤雉
閒安問麋麋麇托身尾星野方物登其饒

炕五十韻

炕弗稱于古名初著甃牀誰傳增竈令遍習辟寒方離卦中虛

象幽詩穹室章萬家便臥起終歲較溫涼默笑墨之突墁嘻圻
者王土門先鑿竅木格半闌匡疊壑甃寧厚融沙研必光四周
通火衙三面界泥牆漏罅封陶穴潛颺鼓鞀箱蕭邱翻歛發蓬
塊絕塵揚水閤元冥候星韜熒惑芒俯憑緹幕驗窄僅畝官量
亦似炎威上時虞餓達旁鑪扁何所見塼豐亟須防吐納開沈
黝蒸騰借鬱煬懔消膚點粟暵謝汗凝漿宿煨灰薶處層食帚
拂將莫教义筯入也惜品柴昂就煖爲安宅相親慣冷場曲而
伸直體外豈測中藏得氣春迴早攻心策擅良年年塗墍預戶
戶束薪忙有約拳帷入奚煩解屨翔歡顏同厦底促膝宛箕張
軟合蛩璫藉濃嗤麝褥香稍資重幔覆或遣小屏障安足安文
几支頤側隱囊竹篝熏滅燼金鉤注嫌湯白煉芽抽汞紅催花

釀唐橫陳共賓榻趺坐卽禪房漫誚冬烘腦都祛內熱腸身輕
毳衣脫夢好鐵衾忘薄牖容穿月疎櫺又挂霜晨昏聊自衛燥
溼雨母傷最是邊人苦由來席地常室欺無長物生恨不炎荒
區脫風斯在呼蘭烟可望陋從蝸負寄貧更馬通償就此充庖
漏勝如擁褐裳篋筐供庋置嬰姪戲跳踉燂肉酬神降熬茶勸
客嘗禮猶知尙右位本協迎陽旣幸雞棲穩還憐蝸縮僵論功
逾挾纊却疾定扶冠炊羨矛頭卒觚愁鏡聽孃息勞偕偃仰忍
凍勿徬徨紙閣蘆簾畔冰天雪窖鄉靜捫胸熨貼熟鍊骨堅剛
簇簇炭歡喜轟轟爆吉祥欲齊蕃漢俗一例祀黃羊

塞上雜詩

北陸何年準地平煮殘羊胛條天明三光上下多迴照太古遺

留不夜城

中原一線界華彝
燕沒嬴家碣石碑
西北故詳東北略
請張油畫哦囉斯

樂浪元菟重開邊
金石都無文字傳
廢印空犁朶顏衛
古錢猶窖正隆年

蒼鷺啼起刮天風
颭蕩冰脾入混同
一自射龍江水沸
令人却憶武元雄

舊說燕雲牧馬場
而今獵火迴燒荒
春風四月無青草
輪與關門柳綫長

穹廬遍野白蒙氊
遠聽駝鳴知有泉
五尺量丁一皮賦
打貂人放雪中眠

朝把長竿調怒馬暮彎強弩殲豪豬海東俊鶻無人識連臂秋
黃貢上都

削樺遺書安在哉牛經一卷學堂開荒天萬古無疆泮誰拜居
夷孔父來

三世金符故將家從軍樂許健兒誇太平馬革休相惜長挂年
年佛朶花

五月腥風滿市頭一般尺寸罟漁收萬斤壓網何曾重又得秦
王大似牛

行空赤日損炎威李左車神鞭怒揮忽遘龍雷闖奇技電光中
輓雪毬飛

大野轟厖雨打頭霎時埃淨碧雲流一聲遼海西南去六月雁

飛天未秋

朝昏白頂掠簷鳴萬隊鷗軍肅有聲怪底鵲來都不見想知憂
喜各殊情

纔入秋期分外涼儘看明月莫思鄉五更畫角鳴鳴起馬鬣人
須盡挂霜

淡巴菇葉綠成蔭也算收成疊滿籠偏惜女兒名色好燕支山
下淚痕紅

寒畦菜把得來難春韭秋菘異味看別有甘鮮佐齏飯雪中菰
首大于盤

絕似江村罨畫艤天然老樹架空腔荒灘雨急人歸處一葉威
呼喚渡江

夜行非竊吠，信然指喉無。如使大便爭，及伊家黃耳。祖鄉書安穩，洛中傳。

記得遼東人，姓丁到今相。鶴有遺經神，仙畜養千年。少莫學籠禽例，剪翎。

春遲霜早講，田功沙磧興。屯利不同徼，幸一年。麋子熟，椎牛打麩祭天公。

一串兒童手，鼓撾索摩杆。上紙燈斜燒，香準備迎年。酒大禮燭豚孝敬家。

昆邪奴婢賤，如何塞上明。姝結隊過大足，高鬟各爭豔。阿敦羊馬聘錢多。

農皇草木枉生材，有卜無醫只浪猜。桃帽番僧呵鬼去，茜裘巫

女降神來

席地生燎雉兔肥坐傾蘆酒醉忘歸夜聞虎嘯林中起大羽長
弓謀合圍

東望山中更有山北來關外別無關滿林豺豹人蹤少荒火連
天覓路還

和太庵將軍以畫菊扇贈行戲題

近秋邊馬已嘶霜鷺見籬英袖裏藏夢與山妻算歸日幾時煮
蟹切新薑

喜晤長懋亭制軍卽送之伊犁參贊任

將才儒術幾人同天爲蒼生特起公萬里不遺懷錦字

庚午秋
公自科

布多寫書
垂問甚摯

十年相見話丹衷金隄河洛中州固

撫諒以治河著
績還督陝甘

玉塞華尋二陝雄身許凌烟名竹帛更教仗劍倚崆峒

伏謁

軒宮異獎聞果然授律壯風雲南山臥鼓連平賊西域輪臺又
贊軍世味久應忘苦樂

國恩何以答憂勤籌邊戀

闕勞臣事他日先書定遠勲

哀程生穉亭二首

相逢于越復于京上有光芒應玉衡

卯爲玉衡

顛倒三爻歸一夢縱

橫五禮仗孤撐

生長於易禮二經學

貧原小事甘長餓病戒多憂易損生

誰識淮南聽雨夜蕭蕭擁被劇秋情

樂府家傳說尹京夕陽老屋黯茆衡

先京兆公以詠史樂府受知晚著夕陽書屋詩集

斯人慙悴魂難復獨行欹崎骨與撐萬里感深何敢死百年愁
盡未知生西風莫寄江邊雁多愁山陽倍愴情

謂趙箇樓廉使

夏日蔣秋吟編脩招飲卽席和人詠梅繼畫以贈次韻二

首

倚君鐵石作心腸寫箇梅枝骨格蒼二徑舊游春好在孤山遠
夢寂無妨炎天驟覺侵人冷晚歲唯留此樹香莫是北風圖粉
本滿身花點孕冰霜

才子文章映胃腸花濃墨澹夾苔蒼籠烟籠月空何著消暑消
寒雨未妨與話瓜瓞酬客興待尋茅屋讀書香南枝恰有江南
憶回首秋生薊樹霜

秋吟復爲畫扇疊前韻

一片瓊瑤置我腸。玉堂寫照墨霏蒼。清修儘有陳人骨。寒意無須熱客妨。小作虬枝橫扇影。微吹蝶夢浸杯香。每聞吳語談鄉樹。便喜春風滅鬢霜。

法海寺芍藥不繁又患目不得往看以金帶圍題課孝廉口占二首

高枝瓶插亞枝簪。翦綵都輸市上金。祝似玉盤孟供好。南禪資福兩禪林。

豔說熙豐四座簪。

承平花瑞帶圍金。顏余貢父評風雅。四省人

才五翰林。

今年詞臣在廣陵者郡則秦敦甫前輩浙則吳祭酒師皖則洪桐生太守吳山尊學士連余合有五人

法海寺幼僧果能十五知詩命賦雲山閣藏書限雲山二

字和以答之

靠湖五尺閣捎雲堆架琳瑯壓梵文莫闢儒門求薤度諸天賢
聖萬香熏

僧住三間雲雨間中間金鑄爲誰關當年左僕諮禪處替作藏
書功德山

四月廿八日游焦山歸萬廉山司馬約繪圖以紀先成三
詩索和

一堆太古好烟鬟著蘿衣未見山除水但留天上面爲風支
拄海中間漢家三詔巖空閱晉代千秋鶴不還落日划船未便
去松聲寂歷屐苔斑

飛下東南小洛迦借公借得壞架裝迎人不問巴談熟呈句先
償佛願奢世外有情憐白髮山中無用笑烏紗打鐘賺汝齋廚

飽一網鱗魚萬枇杷

雲水閒游稱作圖先生原是舊丹徒城橫鐵甕軍笳靜塔對金山梵磬孤莫放風湍喧枕席待吹江月照着鬚無端風急桅燈落明日瓜洲酒再沽

翼日風雨渡江不得登金山與如慧長老相晤因和前韻
寄懷

方便風開大願船如何沮我訪僧緣雲霾雪捲輕千里麥爛梅蒸黯一天誰信無田指江水幾因有詔負林泉中泠南畔盤陀石留證生公自在禪

金山僧如慧見訪不值留贈一詩次韻答之

一剎那間已廿年江山靈氣結詩緣三生鐘磬焚修地萬里魚

龍拜舞天訪我寒梅虛踏雪約師春茗再烹泉桃潭惆悵汪倫
事小劫誰參覺後禪

題蔣元庭前輩立地圖用法時帆韻

道人能行真炁形昨飲江水甘中冷前身太室分嵩靈霞爲髯
兮玉爲面早年結侶三清彥朝侍金輿夕瑤殿倏然御虛驂鸞
鴻舉袂平揖清晨翁橫絕南斗超西濛我思道根守素定奚用
蒸砂翻鼎餽立地逍遙尋鶴徑

詠商散邑銅盤二十韻

古有散季敦今傳散邑盤我聞殷舊物其制鬲參看胙土因爲
氏分侯具乃官辭同王播告器備衆奄觀誓曰區田壤頒之列
樹竿剋期封畛定展采幅員寬甸鄙人更僕郊畿里若干步量

基六尺卒羨廣三單家地袪豪右公廕佐宰彈林檎隨所掌井
牧與俱安罔俾鹵宮削毋滋蕘祖殘原陵城立限沾瀆水流洄
交讓傾虞芮來歸併耶謹瀆先正經界盟取弭爭端簡易通縣
蕤周防藉艾蘭饗農郵表啜斲血泣牲壇尙質宗彝貴摻奇隸
釋難藏金千祀吉出土半行刊形辨螺書亞璵留瓜綠寒一從
登秘府詠鼓孰追韓

秋色

自裁秋色兩三莖瘦石疏篁伴汝清非草非花非本葉亦黃亦
綠亦丹頰離披尙與霜爭氣妍變多承日助英圖取芳華免消
歇雁紅雞紫不勝情

某秀才屬題上元清譙圖圖有故漕帥許秋巖前輩二詩

讌則公督漕淮浦時事某亦在坐

遠承叔重近公安故墨潛然展轉看畫角轅門銷往迹上元柑
宴足清懽宦成白首修名在心繫蒼生結局難兩什分明寫身
世合留詩碣後人看

見說張郎有古風文章杼軸迴無同百年師友淵源證三影才
名懺悔通淮海襟題存顯氣廣陵燈火壓春紅願君重展研都
手今日明堂又選公

君爲卯科所奪忽忽十年藉以志望

自題四十一歲像

父母事畢兒女情長尸居餘氣一點靈光
含齒戴髮奚爲異端一錢三斗祖德不刊

竊祿唐虞校士鄴魯面千佛山念佛念祖

辛酉冬畫壬戌秋自題偈子

三生慧業空無著七八辛勞老不勝願乞天施閒粥飯百年供
養在家僧

丙子長至

丁丑午日吳西穀及第信至呈賀穀人師

金泥帖快廣陵傳子午占符丑未聯一榜登庸新攝相廿科知

舉老同年

謂戴皆山協揆

功名絢爛兒曹付姓字模糊

初閭小錄未準予預卜臆名

制旨宣今日江風潑蒲酒童顏紅又上雙顴

出處完全托授經寒燈攜坐一瓊青翰林風月穹編就夫子文

章丈席型老尙寄公心作達郎能及第眼奇醒九京花萼憑相

慰

西穀爲諸弟後

扶起門才獻

大廷

紫微燭煜十

臨軒陰德文昌拱一垣身媿探花門下士師真祭酒國中尊
辛酉
予以攝司成出使師旋荷實際

三天多少神仙笑

九陛從容顧問恩時望錢塘翹後起薌林衣鉢替人論
本朝探花入相

唯錢塘梁文莊一人

敕教問字盛蓬瀛蘿袞無忘勸學盟執業已躋凡五等
謂那繹堂制府

唱臚休薄第三名當時對祿非憐幼
西穀與兄小穀學生遲日頭籌合讓

兄難得歸田勤訓子始終不負報

君情

游惠山用坡公三詩韻

初瞰冒山頂窈窕西神蒼到山不見山濃綠侵堂房一尺窺玉

井與龍分螫翔誰司元牝谷崑然昇其光蟾液佇團月貫注中
有香靈蠱無已時天地根可忘

巖桂煖不發斂妝如待人素襟各相歡節物推故新豈不念故
新誰歟堅無磷一序數幻變百影紛聚塵願絕有爲迹掃塔撐
空旻况逢無本師聯舟作比鄰

入山歌我歌其聲震飛樾出山買雙漿蕩蕩烟水絕有懷東林

賢蓀宏血不滅

是日謁高忠憲馬文肅祠

老蘇方罷徐與道歎秋月書生信

書苦而敢忘激發所以行康輿慎哉守涂轍

存悔齋集卷十九終

存悔齋集卷二十

萍鄉劉鳳誥金

詩 戊寅至癸未

題儀徵厲兵部

古人讀書非博官今人得官旋廢書父傳師教孰若是乃以仕宦分歧途真州聘君厲夫子白頭歸守先人廬萬里長江水洄洑百年老樹春扶疎其間有堂有欄檻竹廊花嶼交縈紆芸根滋青蠹魚活此香此味清何如傳之七世古風在今小司馬幕爲圖舊物寒氈不可失况擁三萬牙籤儲佳山水鄉好風日展卷長使心神舒人言讀書貴有志聖賢晤對勤居諸吾云讀書貴有福神仙識字皆通儒文章祿利偶然爾樂哉萬古收雙臚

君登省郎學不厭大雅更欲蒐石渠承家獨抱一經笥清門子弟光其間還君斯圖感君意江天雲樹開模糊傳經若喻傳燈法葉葉再振娑羅株

娑羅樹每開七葉故云

送及門孫魯山之官桐廬

舊夢匆匆已十年秋風送我大江邊重逢京洛都無恙再上嚴灘信有緣潔養喜能承色笑清班知復憶華顛到官正是梅花放九里洲前好泊船

己卯春帖子三首

歲統三正順南弧指玉衡

玉衡星見於卯今歲亥與立春日皆卯建

全爻符健德天

運一周行

本年凡三百八十四日適合亥辰六十年一周全數

大賚寰瀛積竿燭

國經

家瀛今重宣

恩免直省積欠

獻公入繪歛幽俗藏富添籌

訪範年

武王訪範為周已卯紀年

都福長春應

瑞辰一家春溥萬方春

聖人多壽週先甲

元旦甲午越十日值春

天子

祈年展次辛

春後八日得辛

其二

壽寓宏開日春生萬彙昌三元符太德

歲德在卯月建寅立春又值癸卯

淑氣

萃東皇

元正

詔下五雲間隔歲蠲逋

惠早頒

聖澤如春蘇萬物陽和先已遍人寰

紀閏剛逢月在乾祥徵

龍德健同

天一年兩度春相續花甲循環億載延

和石琴主人趙仲穆唐石經碑硯詩三十韻

漢隸最簡古光和寶初見禮記十五碑南列講堂勸中更幾兵
革轉徙大河旬十頗無一存强半柱礎占或謂經訓嚴師法非
苟賤禮不立學官從何事摻研豈知表裏書原主徒隸便曹魏

間補之亦足廣目驗曲臺射宮說西洛儒子忤厯徵日碑名遐

申古人信

洛陽記禮記十五碑上有諫議大夫馬日碑議郎蔡邕名

省文實變文古篆弗兼

擅參檢三體詳流傳八分善後來嗜奇輩撫寫敢云厭惜乎久

闕亡偶雜瓦礫現譬諸蘭亭紙徧摹唐宮絹開成楷獨行別構

謝前彥異哉此殘隸五寸度璧羨用法工唐臨霏霏墨花戰文

王世子篇二十珠貫穿

碑自傳以養之至歸諸道者也凡二十字準漢尺四寸五分廣五寸

琢成

趙王孫鷗波學何忝微憐湖湘客不逮汴杭遠

仲穆銘云客湘州所得

碑

材供硯材猶聯一家眷我

朝考遺文條析朱

竹垞與萬季野

未覲嘉祐鑄那識崑山片

北宋石經乾隆

間始出河南土中

經生費調停好事精鑒選所貴古意存相逢卽眞面

奕奕間平賢親侍

唐虞禪辟雍新經陳鴻都翊注傳此硯壽千春讀書佐清燕有

託巢民豪

硯右有冒辟疆款識

與哦匏翁健

碑左有吳原博銘字

某司馬贈畫扇併題莫待急流方勇退水波平處好收帆

句深感其意和四絕奉酬

不如歸去脫朝衫那便攜筇隱碧巉且到水天秋閣上夕陽紅處看收帆

夢迴絕漠擁征衫青海茫茫白嶽巉大雪放鷹飢似虎平沙掠馬疾於帆

依然落拓一青衫遊遍東南玉笏巉聽得神仙談閱歷風高海立莫張帆

司馬何心淚濕衫相逢憶在蜀岡巉桃花路近從君入有个漁

郎正卸帆

贈桂林朱生韞山卽題其讀書圖

我年三十餘子年小子半攀芳入桂林拔爲衆芳冠延之讀書
堂獨秀幽巖畔子也家其間誦聲達戶開其文淬芒穎其氣薄
雲漢矯首千里姿神駒足嘉歎廿三列秋貢廿六春榜看瓊林
多少年謂宜職詞翰

九重鑒才器弗以處清散需之以長民樹材老其幹時子使東
國蹀馬登日觀子來單車遊齊烟眺昏旦乃召沂泗徒擇師俾
講貫藉廣經世資萬卷窮討玩使還子亦歸母兮奉養爨契濶
垂廿年相憶無久暫茲焉上京華六月花開蒼眎子守潛記知
子賊會辦當其拜官始干旄浚之岸疲眎拯元氣旱歉租屢道

祿養迎板輿訟庭掃塵案老弱被煦嫗黠桀服明斷恃行赤子

心那信豺虎亂招搖歲指酉倏遘滑臺叛燧燧何倉皇咫尺聲

可喚走卒驚謀報囚首方折肝

賊李文成

健鬪突一牛

賊牛亮臣

大刦出

獄犴哀哀彼鄰尹強項慘已斷

滑令韓城強令

月黑飛血紅盡室殉國

難翦紙爲痛哭逆豎名籍按誓將憤同仇碎賊屍萬段不虞祆

蔓滋凶能如熾炭公然犯我疆圍噪逞悖悻小人嗟有母長臨

泣而歎城存義與存莫我凶吉判母云汝識字忠孝無畏憚生

死非前知一力籌勝算于時具公服縣門祭旗竿下令團民兵

赤帖印泥燦戒嚴偵內應詰懸辨語謾排堞弓弩攢扇鑰鐵汁

灌刁斗夜達曙蓐食日忘晏未待衆援至先謹吾圍扞賊情太

狡滑攻擊施火彈自北施東南衛河逼堤圩竊聽官軍臨聚糧

儼連棧蟻附環闔注意飽陷官軍務持重戟手姑俯瞰我
民遶埤呼見之日爭睥罵賊賊倒退殺賊賊糜爛躍者誰敢登
伏者不得竄相持迫踰旬全城竟無憾書生未經事傳說皆駭
汗錄功上

朝廷改容

賜褒贊擢以貳守階寵以章服換賊平膽猶壯善後倚謀幹
我大任山德政石壁刻人生立功名何必輕仕宦所貴備勇知
所難處危患子年四十強稱疾遽誦間還山讀故書迴念總角
卽今撫斯圖足以雄顧盼但哦逢掖素那認戰袍綻努力崇
前修再起紫綬綰追寫戎馬勞毫尖墨花粲

聞先仲訃述哀寄示兩姪

飄泊天涯祇自哀頻驚指痛素書開同生骨肉亡都盡異地魂

靈夢尙來

累月見夢

後事九京應信我遺榮一命亦艱哉

已乞封典再

兄不永懷孤露提攜苦血淚和灰寄夜臺

隔歲春風執手時歎君精力已衰遲預愁相見難重見不忍言

離實強離願傍小嶼松柏冢

先大

待刊片石鵲鴿碑

先孟葬小嶼

側蒼涼儻有看雲感何日還山釀一卮

瘦鶴圖題句

太倉王文肅公南園老梅今尙存

雪生香處月生華清寄詩家瘳畫家借个羽衣名色好神仙不

下不開花

根幹無多閱歲華春風誰問相公家分明養就丹砂頂長爲曇

陽守此花

乙巳作曇陽觀記曾證明舊事

徐斗垣司馬有江城讓宅之雅喜述歸懷以志謝

少日羸墩苦讀書炎天白蝠闌簷虛後來則遭明宰特地重

新古佛廬繞郭雲飛勤掃塔羸墩莖草寺城南繩金塔皆宰南昌日修對江樹老預

營居卅年莫話升沈夢同是陰山雪窖餘

車蓋重臨未定家樓楹閒在蓼洲涯上昇雞犬留仙氣舊管溪

山入畫叉有紫雲軒圖卷藂桂種成金粟滿軒藤看到紫雲拏丹桂紫藤並宅

中手從君便借枝棲穩何待堂貲乞浣花

得歸茅屋總

君恩媿作無田誓水言繫棹欲尋鷗侶狎安巢早報鵲聲喧半

生傳舍堆陳迹千里鄉風隔故園誰是寄公誰地主呼魚叱犢

卽吾村

伏犀隱起壽眉黃大雪江東酒百觴憐我晚聞謀道拙累人生
計卜居忙井甘難得泉非濁宅中亦新濬米賤長教飯不忘妄擬前
身託徐孺南州威鳳與高翔

庚辰春帖子三首

春闔陽德始

福演

壽疇先

六一地天泰

九三君子乾

萬齡周甲

寶圖新本年新鑄御上闡
用周甲延禧之寶

古稀

耄念珍游渚五星祥貫昴

立春五日
前日在昴

延禧刻玉又庚辰

四野鋪雲瑞色濃九宮三白慶占農

新正九宮
三白落地

預欣

聖意符

天意歲轉龍躔迅合龍

敬題先師嘉禾錢公爲宗丞曹慕堂年伯畫中盤五松圖

卷

行帳春陰兩大夫
筇銘入夏綴新圖
涼天展看雲龍勢
二十年來隔

鼎湖

北口關連山海雄眼明叢翠落盤中汾州逝後秀州繼想見蒼髯太古風

老樹巍然惜老成名家孫子世賢名欲知畫裏歲寒意廊廟江湖同此情

題陳荔峯閣學瓊海揚帆第二圖

南斗以下星辰稀無星之國洪濤飛奇哉不聞蘇內翰奎躔一照瓊山園諸黎秀才亦時有能變卉服褒儒衣此豈當年得意事九天文字留餘輝集賢學士錢唐彥詞賦摩霄世爭美

先帝親掄第一才簪毫日直蓬萊殿盛年奉使碣石東澄海樓高侍吟宴已寫空羣選駿圖更令犯斗垂櫓徧一氣沐浴扶桑紅忽移旌節南滇中百越威靈捲戈甲詩書禮樂堪論功大海

落際望不極重洋分水青濛濛蠻陬也有文昌縣夷陋今知君
子風是時秋澄碧空洗水光盪月月盪水潮雞初鳴鼓相應癡
龍抱珠眠未起捩舵欲窮天一髮落帆直到山五指云是先生
絳帳臨過於大將樓船喜兼旬講藝揖羣才去路還從來路迴
青袍送者自崖返波濤雲霧爲之開舟人莫笑歸裝壓收得珊
瑚一網來無勞生還重感慨只恐險韻難追陪賦詩詩人筆力
鉅作畫畫手如目覩朝京再駕太行輶汾水秋風又逢故十載
飄零惜敗紙三生涕淚銜

恩遇重證前番翰墨緣十洲三島曾游處嘻乎哉四海清晏

景命新中書堂上須賢臣願咨夔龍與接席砥柱作楫伊誰倫
勿謂陳迹不可數居然合浦還其珍脚下萬里曾萬頃第二圖

補朱山人

題張元卿舍人所藏其先文敏公詩冊

冊首成邸題籤詩後公自記云乾隆元年九月試天下博學宏詞題山雞舞鏡七言長律十二韻得山字戲拈後又一首記云損齋編脩屬和戲復拈此蓋是年公在繫中作詩意可翫書法亦遒勁多姿冊尾翁覃溪先生稱爲公晚年筆融化於米董之間予不謂然也富春董文恭師藏之歲久以歸元卿古情鄭重抑有厚期元卿語予曰曩憶文敏千文辨譌經夫子手跋文恭見及一再索觀且歎今時淹貫之學自推子政其悅服積至數十年而若有慨于中云云聞之感涕今予再入詞館

元卿成進士僅得中書仍以此冊屬予敘其事荒陋之
筆無以抒寫謹追和二詩以誌文恭知己過愛之言并
爲元卿助可乎

涇南遺澤墨痕潛句寫山雞苦戀山是冊歸之杭相董其書得
自魯公顏當年感物悲歌起卽事傳神飛動關月鏡在霄頻起
舞雲羅如洗早超寰重收鍛羽來軒凡尙想文身犯狔蠻雉尾
雙開宮扇側菱花一抹寶刀彎丹邱有路迴頭遠玉宇無塵對
影閒天上羽儀留此輩世間絲黹枉多般光華整潔窺楹待節
奏從容按拍還四面久知空倚孤心何許著癡慳冰壺濯後
仍圓魄壁采凝時絕點斑終荷
御屏恩拂拭從來識字不爲患

九峰吹引卽神山家世而今冠海寰萬死文章餘孔翠半身遭
遇起蓬菅瓊區璧鏡儀容肅玉砌朱輦舉止嫺歌舞鸞鳳宜
盛代子孫鵷鷺亦清班簪毫畫靜翹相對聽鑰宵長壯不鰥綵
翮豈甘籠內物錦屏遙識坐中顏巖樓閱徧尋常事天近元來
咫尺間露檻低徊眞入畫月輪圓轉妙如環五雲深處高軒翥
七寶光中數往還絕藝衆矜奇藻綯前塵一掃古苔斑願陳金
鑑千秋繼莫訴珍禽萬里艱再上
虞廷阿閣頌虛名刻鵠免貽訕

題潞河歸權圖送宋悅研先生還吳中

卿雲天上去匆匆出處完全共羨公歸老容顏看尙壯報
恩心力話無窮一肩行李朝衫重千里平江酒棧空說與解人

添畫筆收帆方見夕陽紅

寄張蒔塘

憶昨扁舟訪季鷹蒼茫涕笑總難勝十年羸我青鞵健一輩陳
人白髮增仕宦煙雲看已過文章糟粕亦何能更尋石丈探梅
共遲暮風光戀友朋

贈黃嶸芝都諫寶芝舍人昆季

舊說河東彥今誇江夏賢一門簪紱盛三秀萼跼聯壯志驥千

里離思雁各天宦游期遠到家食亦安便官稱黃門貴

嶸芝都諫文

馳畫省先

寶芝中翰

二難好兄弟羣從盡神仙

令從兄範亭侍御從子載舍儀曹同官京

邸此事都人羨於鄉善行傳論蹤殊出處因夢寄纏縣頃者絲

綸寵欽哉岳牧宣

嶸芝新督楚儲

湘雲南望楚薊月北懷燕側想前圖

意遲留後聚緣朝朝歡覲面處處儼隨肩少壯老相對神形影
共憐奚辭異地隔寶慰寸心懸友愛情如此祥和氣使然待巢
珠樹合桂話重它年

戴母崔夫人八十壽詩柏梁體一百韻

八座八旬世恒有惟賢夫人福德耦生年甲子幹枝首益算循
環衍章蔀系原清河擅華右笄珣翟蓂榮命婦
鸞章璀璨龍螭極貴長生信非偶神仙伉儷

三朝耄六十年來相夫久相夫未遇奉箕帚禮始主饋潔滄滄
巾悅槃匱獻姑舅婦有常職曷其忸內言不出外言黠佐讀鐙
明字熒蚪夫子當時絢文藪京洛緇塵數抖擻三十遂躡蓬萊
阜相夫既貴花輶卸集賢清秘探二酉濡染大筆思淵助雕蟲

那肯供覆瓿妙選入臺豸冠糾敢詡言路輕擊掎歸來脫粟飯
葵韭詎有宿春滿鸚鵡拮据龜勉勞井曰清貧內助子雲守厯
乘星輶駕駢牡楚蜀吳越燕齊走行李戒塗接浙滂一至皖濡
餘悉否遑以家人治生狃四型學頰魚藻茆四譙鄉賓鹿藿莊
三典南宮卯戌丑天下宗師歸一手

聖朝雅化美薪樞得人盛事斯焉取汲引後進殷獎誘至今紗
幔門生叩姓字渾難辨誰某內外公卿印懸肘小大從公符竹
剖泰嶽俯納羣部婁每晨入直雞鳴敦肩輿穩勝蒲輪輶繡繡
猶勤箴綬紹進飫堂餐退糗糗何暇延齡餌芝朮六曹九列更
踐掇太倉秸稭析筭簑陰德平反愼疑嗾堂堂相印黃金鈕功
在行河尤不朽靈文似記授岫嶺千里奔湍建瓴陡衡樓李樓

鞏捷箕洪澤疑山達湖淩驚濤一靖鯨鼉吼河之水兮清且瀏
到處安瀾謝川后沙隄環種相公柳征衣下馬常澣垢昨冬相
度二漳口

賜裘內出豐狐夙雪花霏霏積瓊玖爲

天子使勤不負漫侈論功錫圭卣公孤師傅軼廣受鳴謙貞吉
履无咎不名一錢義弗苟置第曾無寸椽料負郭曾無尺塍晦
三株樹老森芽紐任子郎官叟華綬孫枝挺特文戰拇五色斑
斲侶鵷鵠一門子弟琢瑜琇白頭嫂亦女中叟難得齊眉髮垂
黝某也作詩忘拙醜憶昔書生起蓬莠升堂拜謁後堂後竊桃
熟窺青鳥牖今年四月秀蓂莢六月荷花泛香醖下有仙人益
節藕江鄉之人謀進酒鱸鯉鯉笙麗留爰召樂師奏矇眊揖

東王公西王母星躔煌煌巨南斗明年重申秩開九偕老承
恩祐綏厚百歲千秋敬賓友祝夫人壽相公壽

[illegible]